

Von allerhand Arhney/  
 Gulden Klee/oder edel Lebers  
 Kraut.

**D**ies Kraut ist warm im ersten vnd trucken im  
 dritten Grad/ etliche wollen dafür halten/das  
 es mehr kalt sey dann warm.

Dies Kraut in Wein gesotten/öffnet die ver-  
 stopffte Leber/ treibet den Harn / reiniget  
 die Nieren vnd Blasen.



Dieses Krauts Pul-  
 ver ein Löffel voll in  
 einem Trunct Weins  
 eingeben den jungen  
 Knaben / so gebro-  
 chen seind/ heilet die  
 Bruch.

Die Blätter in  
 Wein gesotten / vnd  
 den Mund darmit  
 geschwencket / ist gut  
 wider die Mund-  
 säule / Geschwulst der  
 Mandeln vnd Zäpff-  
 leins.

Das gebrandt wass-  
 ser heilet allerhand  
 innerliche verkehrung

der Brüst vnd Därmen. Es heilet auch allerhand  
 hitzige Geschwulst.

Wolffsmilch.

Hundsmilch / Teuffelsmilch / Giftig  
 Scheißkraut.



**L** Sula ist heiß vnd trucken im dritten Grad /  
ist gar sorglichen einzunehmen / dann sie bringet  
Schaden dem Herzen / der Lebern vnd dem Nas  
gen / zerbricht die Adern im Menschen / bringet

gern das Kaltwehe  
vnd die Wassersucht.  
Darumb muß alls  
weg etwas darunter  
gemischer seyn / So  
mans brauchen will /  
daß ihm das Gifte  
nehme / als Essig /  
Endivien vnd Nachts  
schatten Safft / also  
eingenommen auff  
zwey Quintlein mit  
Zucker / treibet auß  
böse feuchtigkeit / vnd  
die Wassersucht.

Wolffsmilch  
Wasser.

Die groß Wolffs  
milch mit Kraut / stens  
gel vnd Wurzel / in  
dem Anfang des  
Glentzens gegraben /  
vnd gebrandt / ist  
nicht gut in den Leib  
zu nehmen.

Aber die Aglesterangen beschnitten / darmit gewäs  
schen / vnd darüber gebunden / zum vierdren mahl /  
heilet sie.